

တၢ်စ့ၢ်တၢ်န့ၢ်အတၢ်ကွဲးတဖၣ်

လၢယုၣ်ရှုးခရံၣ်အသၢ်ခိၣ်ဘၣ်ယးဒီးပုၤစီဆုံလၢမုၢ်နံၤခံကတၢၢ်



၁ ပစုၢ်ပနၢ်ယုၣ်, ပၢ်လၢအမူဝဲလီၤထူလီၤယိာ်တဂၤ, ဒီးအဖိခါ
ယုၣ်ရှုးခရံၣ်, ဒီးသးစီဆုံန့ၢ်လီၤ.

၂ ပစုၢ်ပနၢ်လၢပုၤကညိကဘၣ်တၢ်စံၣ်ညိၣ်ညိၣ်အီၤလၢအ
တၢ်ဒီးဘးဒၣ်ဝဲ, ဒီးတမ့ၢ်လၢစီၤအဒၣ်အတၢ်သရူးကမၢ်အ
ယိန့ၢ်ဘၣ်.

၃ ပစုၢ်ပနၢ်လၢခရံၣ်အတၢ်လိးကဒါကုၤပုၤအယိန့ၢ်, ပုၤကညိ
ခဲလၢ်တဖၣ်န့ၢ်ဘၣ်တၢ်အုၣ်ကုၤခိၣ်ကုၤသ့ဝဲ, ခိဖျိလၢတၢ်ဒိက
န့ၢ်တၢ်သးခုကစီၣ်အတၢ်သိၣ်တၢ်သိဒီးအတၢ်အၢၣ်လီၤအီၤလီၤ
အလုၢ်အလၢ်သ့ၣ်တဖၣ်န့ၢ်လီၤ.

၄ ပစုၢ်ပနၢ်လၢတၢ်သးခုကစီၣ်အတၢ်ဂ့ၢ်မိၢ်ပုၤဒီးအတၢ်အၢၣ်
လီၤအီၤလီၤအလုၢ်အလၢ်သ့ၣ်တဖၣ်အခိၣ်သ့ၣ်မ့ၢ်ဝဲ, တၢ်တမံၤ,
တၢ်စ့ၢ်တၢ်န့ၢ်ကစၢ်ယုၣ်ရှုးခရံၣ်, ခံမံၤတမံၤ, တၢ်ပီၤယၢ်လီၤ
ကုၤသး, သၢမံၤတမံၤ, တၢ်ဘျၢထံလၢတၢ်ပျၢ်တၢ်ဒီးဘးအဂီၢ်,
လွံၢ်မံၤတမံၤ, တၢ်ဟံၤလီၤစုတဖၣ်လၢခိၣ်အလီၤလၢတၢ်ဟ့ၣ်သး
စီဆုံအဂီၢ်န့ၢ်လီၤ.

၅ ပစုၢ်ပနၢ်လၢပုၤဟံၤခါတဂၤကဘၣ် ဘၣ်တၢ်ကိးအီၤဟဲခိဖျိ
လၢကစၢ်ယုၣ်အအိၣ်, ခိဖျိလၢတၢ်ကတိၤတၢ်လၢဝဲအကိၣ်, ဒီး
တၢ်ဟံၤလီၤစုတဖၣ်လၢခိၣ်အလီၤလၢပုၤတဖၣ်လၢအအိၣ်ဒီးတၢ်
န့ၢ်စီန့ၢ်ကမီၤ, ဒ်သိးကစံၣ်တဲၤတဲၤလီၤတၢ်သးခုကစီၣ်ဒီးဟ့ၣ်ဒုး
မၤတၢ်အၢၣ်လီၤအီၤလီၤအလုၢ်အလၢ်သ့ၣ်တဖၣ်ကသ့န့ၢ်လီၤ.

၆ ပစုၢ်ပနၢ်လၢတၢ်ကရၢကရိၤလၢအဒ်သိးဒီးသရိၣ်အခိၣ်ထံး
လၢပုၤတဖျၢၣ်, ဒ်အမ့ၢ်, ပုၤတၢ်မၤဖိတဖၣ်, ဝံတဖၣ်, ပုၤကွၢ်
တၢ်တဖၣ်, သရၣ်သိၣ်လိတၢ်တဖၣ်, ပုၤလဲၤစံၣ်တဲၤတဲၤလီၤတၢ်
သးခုကစီၣ်တဖၣ်, ဒီးတၢ်အဂၤဒ်န့ၢ်အသိးတဖၣ်န့ၢ်လီၤ.

၇ ပစုၢ်ပနၢ်လၢပုၤတဖၣ်အတၢ်ဟ့ၣ်, တဲတၢ်လၢဝဲအကိၣ်,
တၢ်လီၤဖျိထီၣ်တၢ်, တၢ်ထံၣ်လၢညါခိတဖၣ်, တၢ်မၤဘျၢကုၤ
တၢ်တဖၣ်, ဒီးတၢ်ကျိးထံပုၤတဖၣ်အတၢ်ကတိၤ, ဒီးတၢ်အဂၤ
ဒ်န့ၢ်အသိးတဖၣ်န့ၢ်လီၤ.

၈ ပစုၢ်ပနၢ်လၢလံာ်စီဆုံမ့ၢ်ဝဲကစၢ်ယုၣ်အကလုၢ်အကထိထဲ
လၢအဘၣ်တၢ်ကွဲးကျိးထံအီၤဘၣ်ဘျိးဘၣ်ဒါအသိး, ဒီးပစုၢ်ပ
နၢ်စ့ၢ်ကိးလၢလံာ်မိမဲၣ်မ့ၢ်ကစၢ်ယုၣ်အကလုၢ်အကထိန့ၢ်လီၤ.

၉ ပစုၢ်ပနၢ်တၢ်ခဲလၢ်လၢကစၢ်ယုၣ်လီၤဖျိထီၣ်တၢ်လံ, တၢ်
ခဲလၢ်လၢအလီၤဖျိထီၣ်ဝဲလၢမုၢ်မဆါတနံၤအံၤ, ဒီးပစုၢ်ပနၢ်
လၢအကလီၤဖျိထီၣ်ဒီးတၢ်လၢအဒိၣ်ဒိၣ်မုၢ်ဒီးတၢ်လၢအရူ
ဒိၣ်သ့ၣ်တဖၣ်လၢအဘၣ်ယးဒီးကစၢ်ယုၣ်အဘိအမုၢ်န့ၢ်လီၤ.

၁၀ ပစုၢ်ပနၢ်လၢတၢ်ထၢဖျိၣ်ဟံၤဖျိၣ်ကုၤပုၤအံၣ်စရူးဖိနီၢ်နီၢ်
ဒီးအတၢ်ဟံၤဖျိၣ်ကဒါကုၤပုၤအံၣ်စရူးဖိအဒုၣ်တဆံ, ဒီးလၢစံ
ယိၣ်(ဝုၤယရူၤရူၤလ့ၣ်အသီတဝုၤ)ကဘၣ်တၢ်သ့ၣ်ထီၣ်အီၤလၢ
ကီၢ်အမဲၣ်ကၤအဖိခိၣ်ဒီးခရံၣ်အနီၢ်ကစၢ်ဒၣ်ဝဲကပၢတၢ်လၢဟီၣ်
ခိၣ်အဖိခိၣ်, ဒီးဟီၣ်ခိၣ်ဖျၢၣ်ကသီထီၣ်ကုၤဒီးကန့ၢ်ဘၣ်တၢ်လၢ
ကပီၤလၢအဘၣ်ယးပၤရၢဒဲးစူးန့ၢ်လီၤ.

၁၁ ပစံးသပုၤပုၤလၢတၢ်ခွဲးတၢ်ယာ်လၢပကဘျၢထီၣ်ဘါထီၣ်
ကစၢ်ယုၣ်လၢအဒိၣ်ဝဲစိဝဲတဂၤဖဲဒၣ်ပသးအတၢ်ထံၣ်လၢအနီၤဖး
တၢ်ဂုၤဒီးတၢ်အအဆၢ, ဒီးပပုၤပုၤကညိခဲလၢ်ကအိၣ်ဒီးတၢ်ခွဲး
တၢ်ယာ်တမံၤယီ, မ်ပပုၤအဝဲသ့ၣ်ဘျၢထီၣ်ဘါထီၣ်တၢ်ဒ်လဲၣ်
ဂုၤဒ်လဲၣ်, တပုၤဂုၤတပုၤဂုၤ, မ့တမ့ၢ်ဖဲဒၣ်အဝဲသ့ၣ်အတၢ်သး
အိၣ်န့ၢ်တက့ၢ်.

၁၂ ပစုၢ်ပနၢ်လၢပဘၣ်ဒိကန့ၢ်ဒီးမၤထွဲစီၤလိၣ်စီၤပၤတဖၣ်,
ခိၣ်န့ၢ်တဖၣ်, ပုၤပၢတၢ်ဖိတဖၣ်, ဒီးပဒိၣ်ပပုၤတဖၣ်, ဒီးပကဒိ
ကန့ၢ်တၢ်, ယူးယိၣ်တၢ်, ဒီးဟံၤဂၢ်ဟံၤကျၢၤတၢ်သိၣ်တၢ်သီတ
ဖၣ်န့ၢ်လီၤ.

၁၃ ပစုၢ်ပနၢ်လၢပကြၢးအိၣ်တီအိၣ်လီၤ, သးတီ, အိၣ်စီအိၣ်
ဆုံ, သးအိၣ်မၤဂုၤတၢ်, အိၣ်ဂုၤအိၣ်ဝါ, ဒီးမၤတၢ်ဂုၤလၢပုၤက
ညိခဲလၢ်လီၤ. မ့ၢ်တၢ်အံၤနီၢ်နီၢ်, ပတဲသ့လၢပမၤထွဲစီၤပီလူးအ
တၢ်သိၣ်ကုၤသီကုၤ, ပနၢ်တၢ်ခဲလၢ်, ပမုၢ်လၢ်တၢ်ခဲလၢ်, ပ
တူၢ်တၢ်အါမံၤလဲ, ဒီးပမုၢ်လၢ်လၢပကတူၢ်တၢ်ခဲလၢ်သ့န့ၢ်လီၤ.
တၢ်ဂုၤတၢ်ဝါမ့ၢ်အိၣ်, တၢ်လီၤအဲၣ်လီၤကွံမ့ၢ်အိၣ်, မ့တမ့ၢ်တၢ်
လၢအလီၤစံးပတြၢၤတမံၤမံၤမ့ၢ်အိၣ်ဒီး, ပယုထံၣ်န့ၢ်တၢ်လၢတၢ်
သ့ၣ်တဖၣ်အံၤအဂ့ၢ်န့ၢ်လီၤ.

ကိုစဲးစမံၢ်.

